

ւորն երուսաղէմի Գուխտոն , որ անկաւ զերի 'ի Տիրերու-
կան պատերազմին , և ետ փրկանս անձին իւրոյ զքաղաքն
Ասկաղոն , և 'ի պահու ազատութեան իւրոյ երգուեալ էր
չառնուլ զէն միւսանգամ ընդդէմ Իսլամաց . սակայն դըր-
ժեալ նորա զերգումն իւր , ժողովեաց առ ինքն զփախըս-
տեայս և զպարեալս 'ի սրոյ , և զեգերեալ առ ժամանակ
մի այսր և անդր , յանկարծ երեւեցաւ առաջի Պաղովմա-
յիդայ : Եւ 'ի սմին ժամանակի սկսեալ էին տախաւ երե-
ւիլ զօրք Խաչակրաց 'ի ծովեզերս Ասորեաց , որք էին 'ի
Տանիմարքայէ , յիտալիոյ և յԱնդղիոյ . սոքա միաբանեալ
ընդ թաղաւորին Գուխտոնի՝ պաշարեցին զքաղաքն :

Սալահատտին իրրեւ զարծուի խոյացաւ անդ , և ճեղ-
քեալ զխումբս քրիստոնէից իրրեւ նետ թռուցիկ , որ
ոստնուցու 'ի դրկաց աղեղան , եմուտ 'ի բերդն , և յաշ-
տարակէ նորին զննեալ ետես զգիրս և զկազմութիւն բա-
նակին Լատինաց եւ եղեալ պահապանս 'ի քաջ արանց
զարձաւ անդրէն 'ի տեղի իւր : Եւ մինչդեռ զհետ լեալ
էր մեծաւ ջանիւք բառնալ և ցրուել զպաշարումն քաղա-
քին , հասին անդ այլ գունդք Լատինաց և 'ի դերեւ հա-
նին զխորհուրդս նորա . այնուհետեւ հոգք մեծամեծք
սկսան տաղնապել զնա , զի զծանրութիւն ասպադայ վտան-
գին եւ զնեղութիւն մեծի խռովութեանն , իրրեւ զծով
փոթորկեալ յալեաց , գրեթէ տեսանէր առաջի աչաց իւ-
րոյ : Թող զեւրոպականն , քրիստոնեայք Սիւրիոյ և Տիւ-
րոսի , մի զկնի միոյ հասանէին յօգնութիւն Լատինաց .
մինչդի 'ի միջոցի քառասուն աւուրց եհաս թիւ զօրաց
նոցա 200,000 , որովք ամրացուցին զբանակն իրրեւ բերդ-
անմատչելի : Եւ յաւուր միում յուսացեալ 'ի զէնս եւ 'ի
զրահս իւրեանց , իջին յասպարէզ մարտի , և ճակատեցան
ընդդէմ գնդին Սալահատտինի , որ իրրեւ մահիկ տողեալ
էր 'ի դաշտին , և սաստկութեամբ բաղխեցան ընդ միմեանս .
ձախ թեւն Լատինաց շարժեաց զաջ թեւն Իսլամաց եւ
խորտակեալ ցիր և ցան կացոյց զնա , եւ անտի գիմեալ
'ի բուն բանակն հասին մինչեւ 'ի վրանս Սուլթանին :

Սալահատտին դէտ ակն 'ի վեր կալեալ , յարձակեցաւ
'ի վերայ աջոյ թեւին գնդին Լատինաց , որոյ զօրավարէր
նա ինքն թաղաւորն Գուխտոն . եհաս առ նա և թողի էտ-